



Broj: 2175-7/18
Zenica; 16.05.2018.

Na osnovu člana 12. Zakona o javnim preduzećima u Federaciji Bosne i Hercegovine („Službene novine F BiH“, br. 8/05, 81/08, 22/09 i 109/12), člana 263. tačke 3. Zakona o privrednim društvima („Službene novine F BiH“, br. 81/15), člana 64. Statuta, JKP „Zenicatrans-prevoz putnika“ d.d. Zenica raspisuje:

JAVNI KONKURS
za izbor i imenovanje Rukovodioca Radne jedinice „Autobuska stanica“
JKP „Zenicatrans - prevoz putnika“ d.d. Zenica

I

Objavljuje se javni konkurs za izbor i imenovanje Rukovodioca radne jedinice „Autobuska stanica“ JKP „Zenicatrans - prevoz putnika“ d.d. Zenica.

II

Opis pozicije:

- organizuje cjelokupan rad autobuske stanice;
- analizira stanje odnosa unutar RJ, predlaže i preduzima mjere za poboljšanje organizacije unutar i izvan autobuske stanice;
- vodi brigu o obezbjeđenju uslova rada, sredstava rada i predmeta, načinu obavljanja i izvršavanju radnih zadataka,
- predlaže preraspored radnika;
- organizuje vođenje propisanih evidencija na nivou autobuske stanice;
- učestvuje u izradi ponuda, ugovora i sporazuma u vezi s prevozom putnika;
- preduzima mjere kod promjene cijena prevoza i usluga,
- prati obim prevoza, usluga i obavještava Izvršnog direktora za tehničke poslove o nastalim promjenama;
- podnosi izvještaje o rezultatima poslovanja autobuske stanice;
- odgovara za sprovođenje propisanih mjera ZNR i PPZ,
- obavlja i druge poslove u skladu sa sposobnostima, zakonom i općim propisima Društva, a po nalogu Izvršnog direktora za tehničke poslove

III

Kandidati su dužni ispunjavati sljedeće uslove.

Opći uslovi:

1. da je državljanin Bosne i Hercegovine,
2. da je stariji od 18 godina,
3. da je psihički i fizički spreman za rad;
4. da časno i odgovorno obavlja poslove;
5. da posjeduje dobre organizacijske sposobnosti;
6. da posjeduje sposobnost razumijevanja i rješavanja tehničkih problema;
7. da je komunikativan, sposoban za timski rad, te da zna prenositi znanje na druge zaposlenike;

Posebni uslovi:

1. da ima visoku stručnu spremu VII stepen - VSS saobraćajnog, mašinskog, građevinskog ili ekonomskog fakulteta, odnosno najmanje 240 (ETCS),
2. da ima najmanje 2 (dvije) godina radnog iskustva u struci,
3. vozačka dozvola B kategorije
4. poznavanje rada na računaru.

IV

Kao dokaz o ispunjavanju uslova iz javnog konkursa, kandidati su dužni priložiti sljedeću dokumentaciju:

- prijavu na konkurs;
- kraću biografiju (CV);
- ovjerenu kopiju diplome visoke stručne spreme odgovarajuće struke;
- potvrdu ili uvjerenje o potrebnom radnom iskustvu,
- ovjerenu kopiju vozačke dozvole
- ovjerenu kopiju potvrde o poznavanju rada na računaru
- uvjerenje o državljanstvu (ukoliko na obrascu nema naznake da su bez roka važenja isti ne mogu biti stariji od 6 mjeseci),
- izvod iz matične knjige rođenih (ukoliko na obrascu nema naznake da su bez roka važenja isti ne mogu biti stariji od 6 mjeseci).

V

Kandidati koji budu ispunjavali uslove javnog konkursa, bit će pozvani na intervju.

Podnosioci prijave s kojima se ne stupi u kontakt u roku od 10 (deset) dana od isteka roka za podnošenje prijave, neće biti uzeti u razmatranje u daljem procesu izbora i imenovanja.

Javni konkurs za podnošenje prijava ostaje otvoren 8 (osam) dana od dana zadnjeg objavljivanja na web stranici Grada Zenice i web stranici JKP „Zenicatrans – prevoz putnika“ d.d. Zenica.

Prijave sa traženim dokumentima dostaviti lično ili preporučenom poštom na adresu:

**JKP „Zenicatrans-prevoz putnika“ d.d. Zenica
Bulevar Kralja Tvrtka I broj 34 Zenica
72000 Zenica**

Sa naznakom:

**„Prijava na javni konkurs za Rukovodioca Radne jedinice Autobuska stanica“
NE OTVARATI**

Nepotpune i neblagovremene prijave neće se uzeti u razmatranje.

Društvo nije obavezno vraćati dokumentaciju dostavljenu uz prijavu.